

गौसाई जागो जुग माई आसन्न अधर बिराजे सायल लीरिक्स



गौसाई जागो जुग माई,
आसन्न अधर बिराजे,
मेहर करो थे मोटा ठाकर,
तो सेवकों ने स्याम निवाजे।bd।

आदू धाम कड़ेल थरपना,
दरगां धणी बिराजे,
झुंझालो जीवों रो ठाकुर,
उठे प्रजा नीवे जुग पूजे।bd।

ध्वलीगढ़ गिरवरो गढ़ ऊपर,
उठे पाट कलश पुरीजे,
पूजा चढ़े पिछ्छम रा राजा,
उठे नूर कला बरतीजे।bd।

नूर थापना मंडी बिराजे,
उठे झूंगर डम्बर छाजे,
इंद्र बरिया सरवर भरिया,
उठे गहरो सावण गाजे।bd।

चाम बढ़ाई उठे तीजी आई,
उठे सन्त आय दर्शन दीजे,
छोड़ पिराणी उठ पाये लागा,
वचन गुरां रे भेहीजे।bd।

गिरभाकर रेणायत पाया,
उठे वचन सन्तों रे भेहीजे,
धौला बैल धणी रे लेखे,
उठे धुरला ध्यान धरीजे।bd।



आतो खेती खूब हैं थोरे,
राम भजन रट लीजे,
हरि भजन से होवे निस्तारा,
तो भूत पलीत भागीजे।bd।

नर नारी वचनों रा साँचा,
सुकरत करणी कीजे,
एक पलक हतारक भाया उठे,
मन्छया रा माणक निपजीजे।bd।

खरा अतीत खरा कर लीजे,
पाँव न पाछा दीजे,
पणधारी पण राख हमार,
उठे अइकर परीक्षा लीजे।bd।

सोवनी सकत उठे हुई सगाई,
उठे घोड़ा झीण मंडीजे,
सुर तेंतीसों उठे होया सारथी,
उठे हल हल कार हालीजे।bd।

जागो धणी जुगोजुग जागो,
अर नव खण्ड नोबत बाजे,
भागो देंत धणी रे पावर से,
उठे धरा अम्बर सब धूजै।bd।

धणी रा हाथ होया सिर ऊपर,
जणा अगम निगम सब सूजे,
तीन लोक में ताली लागी,
उठे पारख विरला बूजे।bd।

अनंत सिद्धा रे शरणे आया,
और सिर पर हाथ धरीजे,
हरि शरणे भाटी हरजी बोले,

समस्त भजनों के लिरिक्स और विडियो बिना इन्टरनेट के भी अपने मोबाइल में देखने के लिए गूगल प्ले स्टोर या एप्पल एप्प स्टोर से 'भजन डायरी एप्प' जरूर इनस्टॉल करे। वेबसाइट - <https://www.bhajandiary.com>



गौसाई जागो जुग माई,
आसन्न अधर बिराजे,
मेहर करो थे मोटा ठाकर,
तो सेवकों ने स्याम निवाजे।bd।

गायक – ओमसा पल्ली ।
प्रेषक – रामेश्वर लाल पँवार ।
आकाशवाणी सिंगर ।
9785126052